

INFORMACIJA

O STANJU NA PODRUČJU KANTONA SARAJEVO UZROKOVANO POPLAVAMA U 19:00 SATI

Prema dobivenim informacijama od općinskih centara civilne zaštite, kao i od drugih subjekata iz osmatračke mreže stanje na području Kantona Sarajevo uzrokovano kišnim padavinama u 19:00 sati je sljedeće:

Kantonalna gorska služba spasavanja Stanica Sarajevo je danas, u 18.12 sati, intervenisala na području Rajlovca na pronalasku i evakuaciji jedne porodice kineskih državljana (majka, otac i 3. godisnje dijete) koji su se svojim vozilom zaglavili u poplavljenom području. Nakon pronalaska terenskim vozilom pripanici GSS Stanice Sarajevo su uspjeli da pomenutu porodicu i vozilo evakuisu do cestovne komunikacije. Intervencija uspješno završena u 18.53 sati.

Općina Ilidža:

- a) Područje zahvaćeno poplavom: područje općine Ilidža – MZ Rakovica – Rakovička cesta, MZ Blažuj – Vlakovo, Plantaže, Stara pruga, MZ Osjek – ulice Karamušići, Rate Dugonjića, Bratunačka cesta i Hendekuša, MZ Otes – ulice Senada Fazlića, Mlinište, Čitlučka i Trg Oteškog bataljona, MZ Stup – ulice Začardak i Uglješe Uzelca.
 - Poplavom je zahvaćena velika površina i trenutno se ne može iskazati koliko je to m².
 - U ulici Senada Fazlića poplavljeno je 40-ak kuća, ulica Mlinište i Čitlučka 20 kuća, Karamušići 20 kuća, Rate Dugonjića 7 kuća, Bratunačka cesta 8 kuća, Hendekuša 7 kuća, pilana "Hulio", u ulicama Rakovička cesta, Plantaže, Stara pruga oko 50 kuća.
 - Broj infrastrukturnih objekata zahvaćenih poplavom: novi most na ulazu u Rakovicu, pješački most na rijeci Zujevini kod ulice Karamušići, most na rijeci Dobrinji naselje Stup.
 - Poplavljena putna komunikacija prema groblju Vlakovo u dužini od 1 200 metara, putna komunikacija kod poljoprivrednog dobra između naselja Osijek i Doglodi u dužini od 300 metara.
- b) Nema podataka o oštećenjima izazvanih poplavom.
- c) Nije bilo povrijeđenih, nestalih niti smrtno stradalih.
- d) Zahtjeva za evakuaciju ljudi, stoke i materijalnih dobara nije bilo.
- e) Materijalna šteta još nije utvrđena.
- f) Vodostaji na rijekama Bosna, Željeznica, Zujevina, Kasindolski potok, Dobrinja, Rakovički potok su i dalje vrlo visoki, a negdje je došlo i do izlivanja te su preduzete redovne mjere odbrane od poplave.
- g) U cilju ublažavanja/sanacije posljedica poplave angažovana je Služba civilne zaštite općine Ilidža, služba zaštite i spašavanja organizovana u firmi "BOSMAN" d.o.o. sa mehanizacijom, služba zaštite i spašavanja koja je organizovana u VD "Kenan Slinić", u toku je angažovanje povjerenika CZ u mjesnim zajednicama koje su pogođene poplavom. Radi se na pravljenju nasipa i pročepljavanju prolaza ispod mostova. Izvršena je dostava vreća sa pijeskom na više lokacija i podijeljena građanima koji se sami organizuju.
- h) Upućen je zahtjev Federalnoj upravi CZ za nabavku i dostavljanje gumenih čizama 100 kom, vreća za pijesak 2000 kom i agregat srednje snage 2 kom.

Općina Novi Grad:

Rijeka Bosna plavi područje od Bojnika do Reljeva, uključujući Dobroševiče i Rajlovac. U Rajlovcu su poplavljeni svi privredni objekti i oko 30 stambenih objekata. U Zabrdū potok Lepenica je poplavio nizijske dijelove naselja. Dvije kuće su ugrožene, od kojih je iz jedne porodica iseljena na sprat. Završena je evakuacija uposlenika iz poslovne zgrade Robot comerc u Rajlovcu. U evakuaciji su učestvovali pripadnici PVJ Sarajevo i pripadnici oružanih snaga BiH. U Nedžarićima (kod Katoličkog školskog centra) i u Briješću je riješen problem izlivanja rijeke Dobrinje, koja se izlivala zbog začepjenja korita.

Općina Vogošća:

Na području općine su, izlivanjem potoka, poplavljeni lokalni putevi u naseljima Gora, Svrake, Poturovići, Hotonj, Kobilja Glava, Ugorsko. Aktivirana su tri klizišta u naseljima Tihovići, Dreskovača i Poturovići. Od većih vodotoka došlo je do izlivanja Jošaničkog potoka, Ljubine i Bosne, pri čemu je poplavljeno više stambenih i pomoćnih objekata (još nema zbirnih podataka o ukupnom broju poplavljenih objekata). U dva slučaja je izvršena preventivna evakuacija, zbog bolesti, iz naselja Gora i Svrake.

U 18:00 sati je održana sjednica Op. štaba CZ i Načelniku općine je predloženo proglašenje stanja prirodne nesreće.

Općina Centar:

Provodeći preventivne mjere zaštite napravljen je nasip od 200 vreća sa pijeskom na lokaciji mosta Drvenija.

Općina Novo Sarajevo:

Došlo je do odrona zemlje na saobraćajnici Gornji Pofalići-Bušće, cca 3-5 m3. Onemogućeno je saobraćanje vozilima.

Općine: Stari Grad, Hadžići i Ilijaš i Trnovo:

Stanje na području ovih općina je nepromijenjeno u odnosu na popodneve sate i nije kritično.

Treba reći, da će u toku noći na terenu i dalje biti angažovane ekipe Kantonalne uprave civilne zaštite i općinskih službi civilne zaštite, te pripadnici PVJ Kantona Sarajevo i pripadnici DVD.